

Dos frazösisch Känd
(Das französische Kind)

Der Greätlies ühr Mutter die Anna Hedwich,
die süsst doch racht aufgeräumt wor
soos hennern Ofe on heult on schrie:
„Ooch Gottle boß mosst iech derföhr
die Schann -ooch doos Uglöck -doos Elend ihr Leut
ich reiss mer die Hoor einzel raus !.. Hottse geschreit
Die Nochberschoft hürts on sprengt gleich bei.
„Herr Jesses boos es dann passiert ?
Mi hürt euch jo üwer 10 Häuser nü schrei,
iech hoos bis in mein Kaaler gehüert.
On docht jo nit anerscht es brönnt onnen Uert.
Ihr hobt weiß Gott en Spektochel vollführt“

„Ooch Luwisse ,ooch iech wär noch e Narr!
mei Greätlies,der Banker dä Gropf
die elend Kratzbüerschte die Mähre die dörr
iech wär noch verrockt in mein Kopf,
dos Mensch iech vergeh noch dos elend Dier
hot sich vonen Franzos oh- loss- für !“
Die Luwisse söt „ banns weiter nist ess,
doos es doch schue mehrmoe geschähe
es Letztmoe es aach niet- es schreie heleft nist,
gatt euch zefriede nunä ! ..
Ja sött die Hedwich „ die allergrösst Plooch
dos allergrösst Elend kömmt jo erscht noch
mei grösster Kummer iech will ders nä sö
Der Scham halwer stell iech miech nit so doll oh.
Mei Herzeloed, sisstes dos es nit eloe,
banns Känd do ess es soll nu plabber mit ein,
do will iech nä sehr....
bä soll nochert ,dann Känd sei französisch versteh !“